

Latit.
Gr. Scr.

Longit.
Gr. Scr.

66 INDEX GEOGRAPHICUS.

& saluberrimas in Lacum Asphaltitem, five Mare Mortuum, naturâ di-
rum, pestiferumque, invitus perdit. Fluvius autem hic celeberrimus est,
& in Veteri, & in Novo Testamento: quod primum fuerit limes Terræ
Promissæ ad Orientem, Num. 34. v. 12. quod tanti fluminis arentem al-
veum Populus Domini pede sicco pertransierit, Jos. 3. v. 16. & 17. quod in
partitione Terræ Promissæ duas Tribus, & alterius dimidiam partem à
reliquis decem separarit; quod Elias cum Elisæo fluvium hunc pallio di-
visum transierit, 4. Reg. 2. v. 8. deindeque & Elisæus solus, semel atque
iterum percussis cum pallio Eliæ, & divisis aquis, v. 14. quod Elisæi
jussu Naaman Syrus in eo septies se lavarit & à lepra mundatus fuerit,
4. Reg. 5. v. 14. & seq. Sed & Joannes Christi præcurfor multos in Jor-
dane baptifaverit, Matth. 3. v. 6. etiam Jesum, v. 15. & vox de cœlo fa-
cta est: Tu es filius meus dilectus, v. 17.

Josephi Prædium. V. Prædium Josephi.

Jotapata. V. Geth-epher.

Isachar Tribus sic vocata est ex nono filiorum Jacob, eoque quinto
ex Lia uxore; cujus situs à Mari Magno, ubi Carmelus mons, ad Jor-
danem usque, ubi Lacus Genesareth, extenditur, & australem obtinet
Galilææ inferioris partem. Regio omnis opulenta, & fertilis, etiam vi-
ris bello præstantibus populosissima. Nihilominus ipsa otio & quieti dedi-
ta, sæpe tributum servitutemque pati maluit, & pace frui, quam arma
capere. Unde Jacob, Genes. 49. v. 14. Isachar Afinus fortis, accubans
inter terminos, v. 15. vidit requiem, quod esset bona, & terram, quod
esset optima, & supposuit humerum suum ad portandum, factusque est tri-
buto serviens. Ex hac Tribu fuere Nathanaël filius Suar Princeps 54400.
Isacharitarum in Deserto, Num. 1. v. 8. & 29. Igal filius Joseph inter ex-
ploratores Terræ Chanaan, Numer. 13. v. 8. Phaltiël filius Ozan inter
eos, qui Terram hanc divisere, Numer. 34. v. 26. in cujus ingressu
64300. Isacharitæ censiti sunt. Inter Judices Israël Thola filius Phua, in-
ter Reges Baasa, & Baasæ filius Ela, fortisque & Propheta Osee filius Be-
ri. Tribus Isachar describitur apud Josue 19.

Iscariot. Iscariotthes dicitur Judas proditor à vico Iscariot, quem
alii putant non longè à Samaria Orientem versus; alii in Tribu Simeonis;
alii aliter nomen Iscariot interpretantur.

Ismaëlita ab Ismaël, Genes. 25. v. 12. Hæ sunt generationes Ismaël fi-
lii Abrahæ, quem peperit ei Agar Ægyptia, famula Saræ, v. 13. Et
hæc sunt nomina filiorum ejus in vocabulis & generationibus suis: Primo-
genitus Ismaëlis Nabajoth, deinde Cedar, & Adbeël, & Mabsam, v. 14.
Masma quoque, & Duma, & Massa, v. 15. Hadar, & Thema, & Je-
thur, & Naphis, & Cedma. Isti sunt filii Ismaëlis, & hæc nomina per
Castella & Oppida eorum, duodecim Principes Tribuum suarum, v. 16.
habitavit (Ismaël) ab Hevila usque Sur, quæ respicit Ægyptum. v. 18.

Israël. Nomen hoc nunc totam Hebræorum gentem, nunc partem tan-
tùm demonstrat: totam ut plurimum ante Salomonem: partem tantùm
postea. Post Salomonem etenim Hebræorum Regnum, quod & Israël,
in duas divisum partes; una Judæ nomen assumpsit; altera nomen Israël
retinuit: quod in hoc ultimum ex duodecim Tribuum Israël decem se-
cesserint, in primo duæ tantùm remanserint sub nomine Judæ, propter
Tribum Judam, regiam, fortissimam, & omnium nobilissimam. Et ex
hac totius Regni divisione, qui primum Hebræi, & Ismaëlita in univer-
sum appellati, ii tandem in Ismaëlitas, & Judæos divisi sunt: & aliquan-
do hi sub illo, aliquando illi sub altero nomine comprehensi sunt. Sed
hæc nomina tam frequenter describuntur in utroque Testamento, ut pe-
ne nulla pagina ab alterutro vacet.

Ist.